



UNIVERSITÄTS-
BIBLIOTHEK
PADERBORN

Universitätsbibliothek Paderborn

Kirchen Calender

Goldwurm, Kaspar

Franckfort am Mayn, 1574

vj Johann Castellan/ ein Brabänder vnd Märtyrer.

[urn:nbn:de:hbz:466:1-46206](https://nbn-resolving.org/urn:nbn:de:hbz:466:1-46206)

bender/ auß der Statt Nauella bürtig gewest/
 Diser ist vmb bekandnuß des Euangelij Chri-
 sti willen gefangen/ vnd ein zeitlang im Ge-
 fängnuß erhalten worden/ auß solcher seiner
 Gefängnuß/ hat er an seine gute Freund vnd
 Freundin/ vil tröstlicher Schrifften gethan/ in
 welchen er alle Artickel seines glaubens erkläret/
 vnd bekandt hat/ Dieweil er aber beständiglich
 blieb auff seiner bekandnuß/ ist er als ein Ke-
 ker erkandt vnd zum Feuer verdampt wor-
 den. In dem man ihn zum Gerichte geführet/
 hat er ganz ernstlich zu Gott gebetten/ vnd das
 volck zu warer erkandnuß vermanet/ darüber
 hat fast jederman ein besonder mitleyden ge-
 tragen/ Nach dem er zum Gerichte kommen/
 hat er jederman gesegnet/ vnd williglich ins
 Feuer getreten/ vnd gesprochen: Vatter in
 Ewigkeit/ inn deine Hände befehle ich
 meinen Geist/ Vnd also ist er sanfftmütig
 im Herren entschlaffen. Geschehen Tornaci
 22. Julij/ Anno Christi 1552.

Wer ist ein Brabender vnd auß der Statt
 Tornauro bürtig/ Augustiner Ordens/
 vnd ein gelehrter frommer Theologus ge-
 wesen/ Er hat wider des Antichristi willen/
 allein

Io
 G
 vj
 Johan
 Castella.

allein auß dem befehl Gottes / das Euangelium hin vnd wider im Bisthumb Metz / vnd auch inn der Statt geprediget / im jar Christi 1524. Nach dem er sich aber etlicher gefahrlichkeit halber auß der Statt Metz gethan / ist er von den mörderischen Dienern des Cardinals in Lotharing gefangen / vnd in den Thurn zu Gorse geführt/te. Daselbst vnd in andern Gefängnissen / ist er von dem 4. tag des Maij im 24 jar / bis auff den 12. Januarij des folgenden 25. Jars gehalten worden. Endtlich ist er den 12. Januarij des 25. jars / als ein Ket. er zu dem Feuer verdamet / hinauß geführt / degradiert / vnd verbrandt / vnd in höchster beständigkeit gestorben / im 50. jas seines alters.

han
A
vij
Benedictus.

Dieser Benedictus von Nuosin / hat erstlich den Benedictiner Orden zu Cassin in Campania angericht. Dieser Orden ward baldt groß / vnd durch die ganze Welt schier außgebreytet / vnd ward von Keyser / König / Fürsten vnd Herrn / mit grossen Gütern reichlich begabet / Zum ihrem Orden darff keiner in heyliger Schrift studieren / sonder allein ir gemeyne Regeln lesen vnd wissen / ihr Kleidungslein grosse weyte Röck / schwarz von Farb / inn ihren